



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Fasti Mariani Cum Divorvm Elogiis In Singvlos Anni Dies
Distribvtis**

**Brunner, Andreas
Pfeffer, Wilhelm**

Antverpiæ, 1637

S. Codratus M. 10. Martii.

urn:nbn:de:hbz:466:1-44055

S. CODRATUS M. 10. Martii.

ADest e & aures advertite, qui matrem, qui
ubera matris, & sinum clamatis melliculi:
suum etiam Superis lac est. Matrem CODRATVS
in cunis amisit, neque tamen non molliter est edu-
catus. Etenim nube miraculosâ implicitum Nu-
men fovit, & ambrosiâ scilicet enutrivit delica-
tum. O pluribus cæli hanc instillate, plures ut
CODRATOS habeamus! Nimirum a cælo lactatus
cælum sapuit, cælum spiravit CODRATVS, & cæli
amore, etsi medicus aliorum prolongarer, suam
ipse tamen vitam imò mortem contempsit. Ecce
enim verberant crudelem in morem CODRATVM
tortores. Aërem, non CODRATVM, verberant.
Nunc minas Jason Præfектus, nunc blanditias in-
gerit & promissa. Surdus est Martyr. Raptatur
cum sociis ad supplicii locum. Ad epulum ire sibi
visi sunt, atque ut scires, quanto gaudio imbuti,
cum cantu ivere, & illo, si judices vel Cælitum
aures rogasses, longè suavissimo. Jam verò cum
capite sunt truncati, gaudio demum dices exsi-
liisse. Terra quoque applaudens eo in loco, quem
sanguine pinxerunt, fontē reddidit, sed qui Chri-
stianorum pro Christo mori volentium non pel-
leret, sed accenderet sitim. Ex Surio.

Si vis habere ministeria Angelorum, fuge consortia
seculi, & temptationibus resiste Diaboli. Renuat consolari
anima tua in aliis, si vis in Dei memoria delectari.
S.Bern. serm.4.in Ps. Qui habitat.

SS. MAR.